

二十里地名雅爾湖有古交河城遺址城西爲古墳羣掘得墓埆一百二十餘方有朱書有墨書有刻字埆朱色者字爲正體及草書兩種其佳者不減古之碑刻北魏周隋之墓表文多簡略入唐則稍繁複每方均有高昌年號及死者官階余據其年號作高昌紀年再推其官職按其升遷作高昌官制表高昌世系及官制史傳記述未備得此而研究高昌歷史者可於是取資焉

八陶器

此類大部分均得之於吐魯番城西之雅爾湖古墳群在雅爾岩舊城北有古墳羣一區所出陶器均爲紅泥所製形同今之把杯有紅底黑花者類漢代物或爲古車師國人所遺